


IKINYARWANDA

KIN 01

01/08/2022

8:30 AM – 11:30 AM



**IKIZAMINI CYA LETA GISOZA IKICIRO CYA KABIRI
CY'AMASHURI YISUMBUYE 2021-2022**

ISOMO: IKINYARWANDA

ISHAMI: INDERABAREZI (TTC)

AGASHAMI : EARLY CHILDHOOD AND LOWER PRIMARY EDUCATION (ECLPE)

IGIHE KIMARA : AMASAHA ATATU (3h00)

AMABWIRIZA

1) Andika amazina yawe na numero yawe ku ikayi y'ibisubizo nk'uko byanditswe kuri "Registration form" ariko ubujijwe kubyandika ku mpapuro z'inyongera uhabwa bibaye ngombwa.

2) Ntufungure iyi kayi y'ibibazo by'ikizamini utabiherewe uburenganzira.

3) Ikizamini kigizwe n'ibibazo makumyabiri (20) n'ibice bine by'ingenzi:

Igice cya mbere: Kumva no gusesengura umwandiko (amanota 30)

Igice cya kabiri: Ikibonezamvugo (amanota 25)

Igice cya gatatu: Ubumenyi rusange bw'ururimi (amanota 30)

Igice cya kane : Ihangamwandiko (amanota 15)

4) Ubahiriza itonde ry'ibibazo uko bikurikirana.

5) Subiza muri make utarondogoye.

6) Amazina yawe cyangwa ay'ishuri wigamo ntagire aho agaragara handi hatari ahabugenewe ku ikayi y'ibisubizo.

7) Gusiribanga, guhindagura no guhuza ibisubizo na mugenzi wawe cyanecyane ibipfuye bifatwa nko gukopera cyangwa gukopezwa.

INTANDARO N'INGARUKA Z'AMAKIMBIRANE

Abahanga basobanura neza ko amakimbirane ari ibintu bigonganisha abantu babiri cyangwa benshi, bikomotse ku bibazo cyangwa se ku mpamvu zinyuranye. Amakimbirane ashobora kuvuka bitewe n'imiyo borere idahwitse, amacakubiri hagati y'imbaga y'abantu, imyumvire ya poritiki idahuye n'ibitekerezo by'abandi, kutizerana mu ngo cyangwa mu miryango. Byagiye bigaragara ko ubunebwe, ubukene, ubujiji, inda nini na ruswa bishobora na byo kuba intandaro y'amakimbirane. Imiturire mibi, ihohoterwa rya bamwe, abana batiga na bo bashobora kuba intandaro y'amakimbirane n'ibindi.

Amakimbirane agira uko akemurwa. Ahari abagabo ntihapfa abandi. Igihe cyose hagaragaye amakimbirane, ni ngombwa kwihutira kuyakemura agahigama. Ni ngombwa gukemura amakimbirane mu maguru mashya kuko arasenya ntiyubaka.

Mu gukemura amakimbirane, hari iby'ingenzi bigomba kwitabwaho. Mbere na mbere, mu gukemura amakimbirane, umuhuza agomba kumenya imiterere n'imvaho nyakuri y'ayo amakimbirane, iyo iki kirangiye, ahuza abafitanye amakimbirane, akabunga yubahiriza amategeko ariho, ibinanyuranye bigashyikirizwa inzego zisumbuye zibifitiye ububasha.

Amakimbirane adacika, y'akarande arasenya, yangiza byinshi. Igihe cyose abantu batarashobora gusenya inkuta zitandukanya abantu kutoroherana no guca iminyururu ibaziritse ngo basenyere umugozi umwe, nta na rimwe bashobora kugera ku majyambere arambye. Abantu bakwiye kuba umusemburo w'amahoro hagati yabo, bakiremamo umuco uhinduka, uhindukirira abandi, wubaha uburenganzira bw'abandi n'ibyakagombye kubakorerwa.

Guhohoterwa bishyirwa mu bintu bishobora gukurura amakimbirane. Uzasanga ihohoterwa ryigaragaza mu buryo bukurikira: kurwana, gufata ku ngufu, kwica, kubabazanya, gushinyagurirana, gutongana, kubeshya, kunegurana, kujoga, kumwaza, gusuzugura, kwima abandi ijamba, kurimanganya, n'ibindi. Nk'uko bigaragara, ihohoterwa rishobora kuboneka mu bikorwa, mu magambo cyangwa mu myifatire.

Hari ibigomba kuranga imyitwarire y'ukemura amakimbirane. Uwunga cyangwa uhuza abafitanye ibibazo, agomba kutabogama, akereka abo ashaka

gukiranura ko nta ruhande ahengamiyeho. Agomba kuba ari inyangamugayo, agira ibanga, azi kubika icyo yabwiwe ntakibwire abahisi n'abagenzi. Gutega amatwi no kumva ni ngombwa, kuko ukiranura abahanganye, agomba kubatega amatwi kugira ngo aze kumenya neza aho umuti w'ikibazo ushobora guturuka, bityo bikamuha uburyo bwo kubayobora no kubona aho yerekeza abakimbiranye. Umuhuza w'abantu bafitanye amakimbirane agomba kumenya kuyobora igikorwa. Ibi ntibivuze gutegekana igitugu cyangwa kubuza abantu kuvuga. Agomba guha umurongo igikorwa kugira ngo bitaba akajagari, cyangwa se ngo usange bikunyujije iruhande rw'aho wari gukura igisubizo. Kwihangana no kwigomwa, kuba afitiwe ikizere n'impande zishyamiranye, kimwe no kumenya kugena igihe gihagije kandi kitarambiranye, biri mu biranga imyitwarire y'ukemura amakimbirane.

Amakimbirane nta kiza cyayo. Ahembera ubwicanyi, abapfa imitungo, imirima n'amasambu bararwana, bamwe bagafungwa, imiryango bari bahagarariye igasubira inyuma mu iterambere. Abakoresha amahugu no kwambura abavandimwe babo bitwaje ubukene n'inda nini bisenya Igihugu. Hari kandi ubuhemu bukabije mu bantu; kutishyura uwakuguriye, gusenya ingo za rubanda...

Ibibazo bimwe abaturage bahura na byo, ntibibonerwa umuti kubera uruhare abayobozi bamwe na bamwe baba bafite muri ayo makimbirane. Abayobozi bamwe bashyira imbere inyungu zabo bwite aho kwita ku kazi bashinzwe. Hari abakoresha ikenewabo cyangwa ikimenyane n'ubuho, bakirengagiza cyangwa bagatinda gufatira ibyemezo abayobozi barenganya abaturage. Hari n'abayobozi banga kwiteranya cyangwa kutita ku bintu, abashaka kugora no kumvisha abo batavugaga rumwe, abarangwaho ubushobozi buke n'abakurusha bashaka kubogama, ni ngombwa gukeburwa bakagirwa inama.

Amakimbirane agira ingaruka ku mutekano no ku bwiye. Kugira umutekano ni ukwidagadurira mu byawe hamwe n'abawe, nawe ntubangamira uburenganzira bw'abandi. Ikindi ni uko kugira umutekano, bivuze kubona amategeko abereyeho kurenganura abantu bose bafite ibibazo, harimo n'amakimbirane. Ikibazo cyari hagati y'abavandimwe iyo kivugutiwe umuti impande zombi zikawunywa ntubasharirire, bakegerana, bagasangira, nta kiza nk'iki. Kutarenganura abarengana bibyara umwiryane, inzika zikurura gushaka

guhora. Akazi k'ubutabera kagaragarira ahangaha. Abahanga bemeza ko demukarasi y'Igihugu kigendera ku mategeko, igaragarira mu ishyirwa mu bikorwa ry'ibyo amategeko ateganya.

Amakimbirane agira ingaruka ku mibereho y'abaturage no ku bukungu bw'akarere. Abaturage bahora mu makimbirane ntibagira igihe cyo gukorera ingo zabo n'Igihugu. Kugirira ikizere abayobozi babo bibaba kure nk'inyenyeri n'ukwezi, bityo bikabadindiza, ntibitabire ibikorwa rusange bigamije amajyambere y'Akarere. Igihe ibibazo by'abaturage bidakemuwe, igihe hari umuturage ukirenganywa cyangwa ugikandamizwa, ubukene ntibuzabura mu miryango, kandi amajyambere agambiriwe ntazagerwaho.

IGICE CYA MBERE: KUMVA NO GUSESENGURA UMWANDIKO (amanota 30)

- 1) Tanga ingero enye (4) z'ubwoko bw'ibibazo by'ingenzi biboneka mu makimbirane. (amanota 4)
- 2) Andika ingero eshatu (3) z'inkomoko z'amakimbirane. (amanota 3)
- 3) Vuga inkomoko enye (4) z'amakimbirane zavuzwe mu mwandiko. (amanota 4)
- 4) Erekanura byibuze indangagaciro eshanu (5) zigomba kuranga ukemura amakimbirane zavuzwe mu mwandiko. (amanota 5)
- 5) Sobanura uburyo amakimbirane ashobora gukemurwamo. (amanota 4)
- 6) Nk'umuntu umaze kumenya ingaruka z'amakimbirane, usanze bagenzi bawe bagiranye amakimbirane wakora iki? (amanota 5)
- 7) Simbuza ijamba cyangwa itsinda ry'amagambo ryanditse ritsindagiye, irindi bivuga kimwe riri mu mwandiko. (amanota 3)
 - a) Uru rubanza rwabaye **inkomoko** y'urwango hagati ya Kamana na Barigira.
 - b) Ejo Kamana **yibwe n'agatotsi arasinzira** maze abajura bamwiba ibikoresho by'ubwubatsi.
 - c) Mukamusoni yahawe inka **yo kurera umwana yabyaranye** na Rwubusisi.
- 8) Uzurisha buri nteruro ijamba rivuye mu mwandiko. (amanota 2)
 - a) Aba bagabo bakeneyekugira ngo amakimbirane yabo ahoshe.
 - b) Ubutegetsu bwa Hitireri (Hitler) bwari ubutegetsu bw'.....kuko bwarenganyaga abantu.

IGICE CYA KABIRI: IKIBONEZAMVUGO (amanota 25)

- 9) Garagaza intego n'amategako y'igenamajwi by'ijambo ritsindagiye mu nteruro ikurikira: Kamanzi afite **imfizi** nziza. (amanota 3)
- 10) Hanga interuro ngufi irimo inshinga itondaguye ugaragazemo uturemajambo twose uko ari umunani n'amazina yatwo. (amanota 9)
- 11) Tanga urugero rw'izina ry'urusobe kuri buri bwoko : (amanota 5)
- a) Inshinga + ikinyazina
 - b) Inshinga + izina
 - c) Inshinga + ntera
 - d) Izina ry'akabimbura
 - e) Amazina y'umusuma
- 12) Komora izindi inshinga nibura ebyiri (2) kuri buri muzi w'inshinga zikurikira: (amanota 8)
- a) Kuneza
 - b) Guhemuka
 - c) Kubaka
 - d) Gufotora

IGICE CYA GATATU: UBUMENYI RUSANGE BW'URURIMI (amanota 30)

- 13) Huza abanditsi n'ikinamico banditse. (amanota 3)
- | | |
|---------------|------------------------|
| Mukahigiro P. | Icyanzu cy'Imana |
| Bahinyuza I. | Mafene ngiye mu mugi |
| Kamugunga C. | N'ubuzima ni ikinamico |
- 14) Andika impamvu eshatu (3) zatuma handikwa ibaruwa y'ubutegetsu. (amanota 3)
- 15) Rondora ibice by'ingenzi dusanga mu butumire. (amanota 6)
- 16) Garagaza amafatizo y'ubwumvane utayasobanuye. (amanota 6)
- 17) Tanga ingeri eshatu (3) z'ubuvanganzo bwo muri rubanda. (amanota 3)

18) Tandukanya amagambo yandikwa atya ukoresheje ubutinde bw'imigemo n'amasaku ugabanya ibimenyetso. **(amanota 6)**

a) Imyenda (bambara)≠..... (amadeni)

b) Inkoko (itungo)..... ≠..... (bagosoza)

c) Akarere (ko ku nsina) ≠..... (agace k'ahantu)

19) Andika amagambo akurikira mu nyandiko nyejwi: **(amanota 3)**

a) Winshwaratura

b) Intwaro

c) Inshyushyu

IGICE CYA KANE : IHANGAMWANDIKO (amanota 15)

20) **Ikitonderwa:** Kirazira kugaragaza umwirondoro wawe uwo ari wo wose kuri iki kibazo.

Watsinze ikizamini k'ikiciro rusange woherezwa kwiga mu ishuri nderabarezi. Andikira ababyeyi bawe ubabwira ibyagushimishije muri icyo kigo, uko amasomo mwiga ameze n'uburyo uyitwayemo. Wandike mu mazina ya Sangwa Gahima wiga Mu Ishuri Nderabarezi rya Gatebe.

(amanota 15)

- UMUSOZO W'IKIZAMINI -

URUPAPURO RUTARIHO IBIBAZO

Urupapuro rutariho ibibazo

URUPAPURO RUTARIHO IBIBAZO